

A Monthly Christian Magazine

AN ORGAN OF THE ZOU PRESBYTERIAN CHURCH SYNOD



Khristian Tangkou

Vol. 53 || No. 5

May, 2017



Editor: Rev. Stephen Chinzathang

Synod Kumpuon: **“Ga ding a tel ihi”** (John. 15:16)

Khristian Tangkou

Vol. No. 53 || Issue No. 5 || May, 2017

Editorial Board

Editor : Rev. Stephen Chinzathang
- 9863042789
ct_stephen@yahoo.com

Joint Editor : Rev. Khamchinkhai - 8730933744

Cir. Manager : Upa Jamsianmung - 9862086615
sianmung@rediffmail.com

Bus. Manager : Kamgenpau - 8974612937
Sye T. Ginzahau - 8974438842

Cont. Editors : Upa S. K. Khama - 9856406454
Rev. Awnkhankhup - 9862828921
Rev. M. G. Nehlien - 09535042257
Rev. Kaimuanlal - 9862923960

ZOU SYNOD ULIENTE

- **Moderator:**
Rev. Mangsuanthang
- **Moderator Elect:**
Rev. Awnkhankhup
- **Secretary (Sr):**
Upa Sianzahau
- **Secretary (Jr):**
Upa Thangchinmang
- **Treasurer:**
Upa Chinsuanthang
- **Statistician:**
Upa S. Nangkhanlal
- **Executive Secretaries:**
Rev. Stephen Chinzathang
Rev. Khamchinkhai

A sung thu

- Editorial..... 01
- Thu tuomtuom 02
- Missions Column 04
- Kipah thugenna 05
- Pentecost Message..... 06
- Khanglaite tenna khovel..... 08
- Thuhun lui & Thuhun tha..... 12
- Puteeh thumte 13
- Leng lien penpen 15
- Jesu ah kilem dih in..... 17
- Silsiem zousie huom 18
- Apostle Thugin 22
- ZPWF Column 23

Copies - 1100

AMAN

Kumkhat ah	- ₹	100.00
Post ah	- ₹	200.00
Copy khat ah	- ₹	10.00
Life Member Fee	- ₹	1,000.00
Patron Member Fee	- ₹	2,000.00
Memorial gift	- ₹	2,000.00

Thusuo zosie Editor leh Zou Synod
ngaidan ahi kimsih a, a suotute'n maw
a kipuoh chiet ding uhi.

Thusuo dingte Editor kung a pieh
ding ahi.



Editorial

Mangpa Pasion mapuina jal in A Hattuum te kumkim tanchieng masawn thei jel a i um jieh un Mangpa Pasion min iphat uhi. Hattuum ni poimaw izahte Palm Sunday, Good Friday leh Easter Sunday mang zou chiet in i hagau hinkhuo kituot tha jel in maban Missionary Day, Pentecost (Assembly Day of Prayer) i manaw tou jel ua tuami hunte zong kipah leh thanuom tah a mang thei jel dingin kisinga vau.

Tukum Good Friday Hattuum khenkhat in tholawm khu Shigaalna chi in silpieh (tholawm) akilawm huntawh atoi ua, kipahpi um isa uhi. Ni poimaw ahina bang a zat leh man ding khu imawpuoh ahi chi ang theisah hi. Tu May ha sung in kumkim sum dinmun etdohna hun zong ahi a, Hattuum chin leh Head Office ah sum leh paai ki tuptah a etdih ahi ding zong i kinem uhi.

Gingtu hinkhuo ah den don de! chimtah um chi umlou ahina ah amaban i kalsuontou jelna ding uah ginum leh chitah in kalsuon in manawl jel vau.

Thu tuomtuom leh Thumpi dingte



01. I pawlpi etkawlna nuoia Mission School a sem Sangsyete leh Sangnaupangte tahsa hagau a ang gasuo theina ding un thumna toh theizing vaui. Amauhten Sangnaupangte deisahna leh itna toh ang siem piching theina ding un tualeh Synod lieng hileh local lieng hileh ama uhte enkawla kem zing school managing Boardte zong thumpi vaui.
02. I pawlpi sunga Pasian Hattuum keem leh enkawltu ordain Upate adin ginumna, dihtatna, sienthoua leh Hattuum itna dihtah ang nei theina ding un thumpi chiet vai.
03. I pawlpi sunga gin-um taha Sawm-a-khat sisan man ahi chi thei tinten a petute kumpi nasemte (Govt. Service) te Galkap nasemte, sum suimite, (Business) lou nasem a khosa pankai a nehsuimite adin bang hun ah zong ana thumzing vaui. Ama uh ten Pasian ading silpieh a theitopsuo a apan lai un ei akemten bang i law uoi?
04. Dated 6th April 2017 niin i pawlpi sung a Muollum leh Belpuon Hattuum Hui leh Giel in asesiette Finance incharge Rev. Khamchinkhai leh akisaipi member ten vehna leh panpina vanei uhi. Tambang tuohsietna (Natural Calamity) thuohthe adin i panpithei na um sun ana thumpi chiet vaui.
05. Thumna toh damlou vehna: Kholum, khovot kihen dungzui in natna (diseases) zat tuomtuom atama, akhente dam na ngai a Hospitalized

pawl zong aum ding a, akhente Doctor ten anatna dungzui a agel pieh uh ne a damna nga mai zong aum ding a, akhente kilamet (hope) nei non lou a shi ding ngah zong aum ding hi. Bangteng hileh amauhte keem leh enkawl dinga Pasian in siemna, pilna apieh Doctorte leh Nurse duty ten deisahna leh itna toh angkep theina ding un thumpi chiet vaui.

06. Provisional Synod tha: Apeisa April 02, 2017 nin Presbyterian Church of India (PCI) makaite panlahna toh Noagang, Tripura ah Provisional Synod honna leh latna nei zouta uhi.
07. Full Fledged Synod: Apeisa April 30, 2017 niin Presbyteiran Church of India (PCI) houtute panlahna toh Presbyterian Church Moirang ah Meitei Presbyterian Singlup Synod Full-Fledged Honna leh latna nei zouta. Khum hun leh mun ah Zou Synod Choir zong phatna lapawl ni (2) sa dingin select in umpa uhi.
08. Lungdam thugenna: Koizong Hattuum chin hileh mimal chin hileh Pasian nna septheina pipen banga ngaia hachina tat loua Tuunnu Liimbel phungvuotute kung ah lungdamthu igen uhi. Mangpa'n na kipieh zawna te uh aletam sem in ing guolzawl chiet taken..!
09. I pawlpi Year Planner umsa bangin May leh June haa sunga Hattuum chin NIPOIMAW ineite amanpha thei pen leh alohthei pen a zang din thumna toh ana kisa khawl in...!
 - 1) Missionary day May 07, 2017
 - 2) Pentecost Day June 04, 2017
10. Lungdampina: Tv. M. Hangminlun S/O M. Ginzalien (Aina Hausapu) tapa tahpen in hun sotkuom Tax Assistant asepu nuo in Senior Tax Assistant ah Promotion mutha hi. I lungdampi mama uhi.
11. Chennai Khopi ah Zou Synod Hattuum dingtha: Apeisa April 04, 2017 ni apat in Channai khopi ah Zou Presbyterian Church Synod ding khe tha hi. Tutana kitheipha dan in member 113 bang pha uhi. Amaban kalsuon touzel na ding uh thumna toh bawzui chiet vaui.

.....

MISSION' S COLUMN

Zou Synod Huong sunga Gammiel Nna sepna taan zau zaw sem in akhente ahinna taan ngam a, ana laankhie ngamte adin tatlou in ana thumzing vaui. Zou Synod chawmte ahileh

1. (i) Tv. Stephen. Ginsuonthang & Family- Mangjing Field (Meitei)
ii) Bhim Prasad & Family -Paspoti Field (Nepali)
2. FMPB tungtona Zou Synod mi training inei lel te amauhten April 24, 2017 chieng in Graduation lava un, April 28, 2017 niin a Post chiet uah joint bawl ta ding uhi.
 - 1) Tv. Siehkhonthang, Aina (MGP) Jharkhand Field
 - 2) Tv. Thanglal, Tuibuang (MGP) Chennai Field
 - 3) Nh. Nemzavah, Sabual (MGP) Jharkhan Field
3. Central Church (MGP) in (YWAM) tungtona achawmte
 - 1) Reuben Lienhaulun, Dehradun Field
 - 2) Nh. Lallawmsangi, Dehradun Field
 - 3) Mrs. Irengbam Devi, Imphal Area
 - 4) Rev. Retd. H. Nengzatun, Varanasi Field Chawmtu: Mizoram Synod
 - 5) Man Bhadur Ghatni, Assam Field, Lailam Veng MGP in achawm.

THEISAHNA/NGETNA

Koipou Hattuum cin a Khristian Tangkou latute leh Agentte kunga theisahna Office a Nna atam seng man in tu May haa apat khochin a Patron member leh Life Membership ana hisate chau hing kibet (paste) ding ahi. Agent ten khumi entona ana hawm chiet ding in ikingen uhi.

SUHDIHNA (CORRIGENDRUM)

Apeisa April 2017 issue a ZPWF Columna Tuunnu Liimbel Phungvuotute S/No. 09 a Presbyterian Church Jowai Biateram Synod te Rs. 1000/- kichipen Rs. 10000 chi ding hizaw.

KIPAH THU GENNA

Apeisa April 01, 2017 zana Muollum khuo a vangsiet huoitah a huipi, Gielpi (Hail storm) zieh a inn leh lou sehsieta a umlai a pawlpite leh mimal kipaltah a hing na panpite tung ah Hattuumte sih leh tang in kipahthu ka hing gen uhi. Mangpa'n tusanga gentheina thuohte panpi thei zing ding in i pawlpi atam zaw sem in hing guolzawl taken....!

S/No. Thuoh tute min

1. Upa Chinlam s/o Pu Ginkhosuon
2. Pa Khupneithang s/o Pu Thongkai
3. Pa Kapminlun s/o (L) Pu Haumang
4. Pu Gousuon s/o (L) Pu Helkam
5. Pa Kaiminlun s/o Pa Nengzagen
6. Upa M. Zamthang s/o (L) Pu Thuohang
7. Pa Chinzamuon s/o (L) Pa Ginzamang
9. Nu Manngainieng w/o (L) Tutkap
10. Nu Chingngainuom w/o (L) Thangkhansuon
11. Pa Pauminlien s/o Pa Goukhanhau
12. Pa Kapminthang s/o Pu Thongkhanthang
13. Nu Zouching w/o (L) Kampau
14. Pa Thangkhanlal s/o Upa M. Zamthang
15. Pu Khenmang s/o (L) Pu Vumkap
16. Pu Kamenthang s/o Upa Lunchinthang
17. Pa Lunmang s/o (L) Pu Khaizakap
18. Pa Goukhanhau s/o (L) Ginkhochin
19. Pa P. Kaphau s/o (L) Pu Thangzatut
20. Pa Kamlunmang s/o Pu Goumang
21. Pa Paukhansuon s/o Pu Nengkhankap
22. Upa Kaichinkham s/o (L) Pu Khamchinkam

23. Pa Thongkai s/o (L) Pu Onneng
24. Pa Kailam s/o Upa Kaichinkham
25. Pa Thongkhanthang s/o (L) Pu Haukhogin
26. Pa Paukhanthang s/o (L) Pu Nengkai
27. Pa Haumeng s/o (L) Pu Haukhogin

Sd/-
Sye David Kap
Local Secretary

Sd/-
Upa M. Zamthang
Local Chairman

.....

PENTECOST MESSAGE

- Rev. Awnkhanhup
Tuibuang

PENTECOST ichi khu Grik ham a ‘Samnana’ china mai ahi a, Judaten Kutpi 7 aneite uh lah a khat ahi. Peikan Kut apat ani 50 na ah tami Kut man ahi zel hi (Lev. 23:9-22). Tami Kut khu buh lah zou a man ahia, buh leh baal a guolzawl na a donte uh zieh a Pasian kung a nuomthu genna ding a abawl zel uh ahi. Tami Kut khu gingu masaten zong a mang zel ua, tami Kut ni ma in Hagau Siengthou chiem a na umsa khu ahing tungta hi. Judate kut dangdangte sangin tami Kut khu Khristian te lah ah manjui zel in a hing umta hi. Hagau Siengthou hing tun ding thu khu guolnei Joel in BC 400 vel lai in ana genkhol tabou hi (Joel 2:28-32). I Mangpa Jesu mama in zong tua Hagau Siengthou pieh ahiding thu ana genkhol ngaita hi (Joh. 7:39; 14:26; 15:26; 16:7,13; Lk. 24:49). Genkhol ahi ma bangin Jesu Van a akahtou a, Pa zietlam a pahtawi a aum nua in Hagau Siengthou khu ahing tungta hi. Ahing tun dan khu Khantan Hoi Luk in a hing na hil hi (Nas. 2:1-4).

Hagau Siengthou tungtang a i Hattuom thugin No.6-na in tam bangin ahing hil hi. Hagau Siengthou, Pa leh Tapa ahing kipan khun mihingte hundamna tang dingin asiem a, a tawnkhiel nate leh a din mun uh zau ahuoi dan akithei chien sah hi. Khrist khu a Mangpa leh hundampa a pom thei ngei ding in pui in a thunun a, tuachin dihtatna lam a ga nei dingin amau a lamkai hi.

Thuhun Lui lam ah ‘Pasian Hagau’ ahilou leh ‘Mangpa Hagau chite in akigen zel a, Pasian mi te lah ah a hunhun in a hing tung zel a, ahin lah teng den lou ahidan akilang hi.

Thuhun Tha hun ah pen Hagau Siengthou khu gingtute lah a hing tung in, ahing tenpi tah ziehin lamhiltu leh puihuoitu manpha bang in ahing semta chi i mu thei hi. I Mangpa zilsahna bang in Hagau Siengthou khu Hinna pepa, Hamuonpa leh amite thutah a puiluttu ahidan akichien hi.

HAGAU SILPIEHTE (IKor. 12:8-11). Pasian in ahing lungsiet seng ziehin a tapa tang nei sun Jesu Khrist khu a hing pie a, tua i Mangpa Jesu ziehin mikhiel ten hundamna i hing tang thei ta uhi. Jesu Khrist zieh a ta hina i tan kia theina khu

Hagau siengthou nasepna zieh ahi kia a, tua Hagau akipat ma in silpieh chi tuomtuom gingtuten i hing dong kiata uhi. Tami silpiehte khu Pasian nasepna ding ahipe a, mikhat in khatvei thu a adon sieng ding chi zong ahituom sih a, don zat leh don dan zong akibangkim sih ding hi. Tam Hagau silpiehte khu a manpha deu leh a man tawm deu chi um tuomlou hi in akilang hi. Apetu in Pasian in ama deibang leh poimaw a sah bang a apieh ahia, eima silpieh don musit a, mite a deigaw ding ahi sih hi. Tualeh i donte kisah theipi ding chi zong hilou in, Hattuom hoina ding leh Pasian loupina ding ahingeingei ding ahi.

HAGAU GA TE (Gal. 5:22-23). Hagau ga leh Hagau silpiehte kikal theibuoi khah ding sil zauhuoipi ahi. Hagau silpiehte ahileh gingu khat in ama dei bang a aneithe chi ahi sih a, a petu mawpuohna lam a lien hi. Hagau ga ichi kia chieng in anei ding gingtute mawpuohna ah kingalien mama a, gingu piching hiding ilunggul a, ga tampi suo ding zong siltup a i nei ding uh ahi. Tuaziehin, tam Hagau gate- Itna, kipahna, lungmuonna, thuohhatna, zainemna, hoina, ginumna, thunuoilutna leh kidehtheinate a tamthei pen a nei i tup ding uh ahi. Ephesa 5:18 ah,

“.....Hagau a dim in um zaw un”
chi i mu hi. Ephesa khuo, Rom gam
sum dawnna munpi, solkal munpi
leh Pasian chi tuomtuom biehna
khopi a mite kung ah Sawltah
Paul in Hagau a dim a um ding in
a hanthawn hi. Gitlouna leh suolna
zat tuomtuom a pun zel na khovel
a i khosah zel lai in, Hagau a dim
poimaw hina mai e. Bangpen tah
in i lungsim a luosuohpen ei? Sum

leh pai, Innmun lougam ahilou leh
masawanna zattuom tuomte maw
i lungsim luodim tu? Ahilou leh
khovel nopsahna chi tuomtuomte
maw? Tam silte a i kidim leh i
lungsim ah Jesu Khrist ta zoulou
ding hi. Jesu e na dei zaw, ahilou
leh khovel silte? Natel dih khah leh
hoipi va chin, na tel dih khahlou leh
na sietpi ding hi.

KHANGLAITE TENNA KHOVEL

(The world youth lives in)

- Contributing Editor.

Zing chieng thai chieng a khuom leh bana inei ding uh koite e? I chi
leh tunia Khanglaite ma ahi, chikhu thudih ahia, kitheimaw bawl thei
ding guol ahisih hi. Khovel kihei dan i etleh hoilam sang in sietlam in
ma anaw deudeuta hi. Khovel kisiem hoi malahin sietna khu ahuoise
deudeu a, hinanleh aluotu ding Khanglaite hinkhuo khu aki siem hoi
thei nalai hi. Khovel Khantou dan khu akikhel deudeu a akum a sim
zong hinawnlou in anini in akikhel hulhul hi.

Mihingte khosah dan siemna
pilna, innten dan louten dan
nei leh lam tawndan leh hindan
nasatah in akikhel ta a, i ut dan
uleh ideidante uh zong atuom
chiet ang hita hi. I tahsa leh
ngaituona mit a khovel a ikhodah
chieng un khovel thupina leh

itheiphah lou gamte khantouna
leh masawanna khu asang mama
tahi. Gitlouna leh sietna ten
ahunta chi anei sih a, michin in
eima deidan chietin ing khosa
chietta uhi. Tam bang a khovel
a ing um lai un ang khanglian
ding leh ang khangtou zel dingte

hinkhuo ding ingaisut chieng in lungkhamna ngen in idimta uhi. Tulai in koipou in ituoh chiet uh innsung kisie, Hattuum sung puosietna (hagau) lam leh khotaang sietna leh gitlounate khu za asim sawmgiet (80%) khu khanglaite apat ahing piengkheie ahi hi. Tuajiehin tahsa leh hagau a i innsung Hattuum leh i khotaang hinkhuo a khangtou in piching heh ichi leh amasapen a Khanglaite leh ang Khangtou jel dingte hinkhuo isiem hoi masah ding uh poimawpen hi. Tuajieh in tam sil poimaw thum teng khu tup ki bang leh lungsim munkhat puo a ipankhawm uh angai hi. Pangkhawm lou a khat leh khat iki ngansie tuo uleh lawchin nasang in lawpsapna in ang zui zaw ding hi. Tam silte ahunte apoimaw dan kibangte khu anuoi a bangin i en ding uhi. Innsung khu kisinsah nate lah a poimaw pen khat ahi a, tuajiehin thupil in “Inn khu saang kana masapen (Saanginn) ana chi hiel hi. Khanglaite umdan lungtang, hamdan leh khosah dan bangkim khu ataangpi in innsung azanglou a kholai a azah bei (taapvah)

uleh ana pei khiel zou ana hita uhi. Innsung nu leh pa te mit mei veng a umsang in kholai a amau deitelna leh ut dandan a khosah leh gamtat khu ana telzaw ta uhi.

Luk 15:11-32 sung i et leh tapa taimangpa tanchin imu uh bang in tulai Khanglaite kalsuon dan ana hita hi. Robert Rakes in “naupangte kalsuon dan toh kiton a khovel kihei ahi” ana chi hi. Mimal hin gamsung hita leh tulai a ibuoi na pipenuh zong “sovereignty) ana hita hi. Nu leh pate tung leh isang a Upa zawte zatatna zong aumthei nawn tasih a, eima dei dandan in ipei gamta uhi. Innsung adia phatuom abawl sunsun chieng un zong abawl man chin “bill” in anuazui sah jel uhi. Tuajiehin innsung khu amunpi (centre) chia pan ilah tah uh poimaw hi. Tahsa lam a lawchinna pen lawchinna khat bang nanleh gingtute ihi na dawl ah Hagau lam a ing lawsap chieng in aphatuom lou asuoh zel hi. Ta leh nau kepna lam ah fel toh mama, sakhawmi mama leh Biehinn kai kilatna leh adang dang awlmaw mama, ahivang a ita inaute uh hagau lam ah

ilawsam leng ua, bang zieh ata diei? Theitawp in pan ila ua, ithum ua, tualeh ki thuhilna zong nasatahin inei leng uhi. Hinanleh aphattuom louna bangzieh ata diei?

Ephesa 6:4 na i et leh “Mangpa thunun na leh kihilna a i et kol ding ana chi hi. Mangpa ah chipen ikhohngai lou zieh un ilawsam khajel uhi’, ka thei hi. Tuajiehin ita inaute uh Mangpa a ietkollou uleh vang tulai khovel apat in ikembit zou sih ding uhi.

Hattuom piching leh Khangtou khu atang’in Khanglaite ngaisah leh awlmaw Hattuom ahi uhi. Khanglaite ngaisah lou leh awlmawna neilou Hattuom khu Hattuom mittaw (Blind) ahi uhi. Tuni a houtu leh lamkai mipiching khatin zingchieng thaichieng a lamkaitu ding asiem khiet thei sih leh bangteng gen nan ulei zong alawsam sa ihi veve uhi. Tuaziehin Hattuomten imawpuohna uh isuhpichin na ding un pakenglam kipat thah bang a pan ilahthah uh apoimaw hi. Tulai khangthah atam zawte khu Biehinn kai leh sakhuo naa

lam toh kisai ah mun leh hunte ah mu ding avang mama hi. Bangpen jiehi a biehin kai nasan a kikhop ngap va ia lou uh adiei? Chite khu ngaituo zel in pan latha ulei hoi dingin ka gingta hi. Khanglaite dinmun lunglutna leh athanop nateuh theisiempi a, tuami dungzui a kep leh etkol khu Hattuomte mawpuohna dinginka thei hi. Innsung ki etkol nate ban ah Hattuom ten zong ibawl ding kilawm te, imawpuohnate isuhpichin apoimaw hi. Tulai dinmun itheisa mabang in bangchi bawl in panla ngong ulei zong i khanglaite uh sietna apatin ikem ching thei diei? Chite pilvang tah a ngaikhawhna toh pan ilah uh kul ta hi. Tulai Khanglaite khu sakhuo leh Biehna lam sangin tahsa silte pilna siemnate sum leh pai, minthanna niihten puonsil leh tahsa nopsah nate khu nasatah in angaikhoh zawta uhi. Tahsalam a lawchin nadingte khoh ngai in ithumpi zing ding uhi. Hinanleh ahagaulam hinkhuo uh ingaisahla deu uh ade aw! Tuajiehi in biehi nalam ang ngaikhoh na ding uleh, hagau lam a ikhantou na ding in lampi sielsah leh kithuopina khu

Hattuom ten imawpuohna uh ahi. Tulai in khovel nasep ding avum avalin aum a, Pasion nna sem ding mi um zou talou, Bangzieh adiei? Tuajieh in innsung leh Hattuom ten pan ilahkhawm uh angai tahi. Khotaang hinkhuo siem hoitu leh pawlpi suminsie ichite khu khanglaite ma ahijel hi. Tualai a sietna, thanghuoina, kitha, kimat leh nehguh tahguh lam a thanghuoina zousiete khu innsung leh Hattuom te lawsapna khu khotaang ah ang kilang khe jel hi. I khotaang hinkhuote uh khu eima leh eima angma khuolna du-am naleh huoiham na in idim gawpta uhi. Ei dam in mishi leh ei hau in mite zawng leh ei pil in mite maw uleh chi khu mi zousie deidan hin akilang tahi. Eima metna ding ahi pou leh ihinate uh kitheimaw bawl in, silsie zong ahoi bang in ipom suh mai ua, dihtatna leh thutahna toh iki gamla deudeu uhi. Khotaang hoina leh Khantouna ding hinanleh eima metna ding in ipom thei sih uhi. I kipawl na zousiete ua dihtat louna,

kikhenna leh kituom khinna in idim ta uhi. Mani angma khuolna, kidei khopna leh thunei utna lamkai utna (leadership) hiding tupna in idimta ua, tawmngaina kilungsietna leh kizatatna itasam ua, tuajiehin i khotang te uh khu masawna leh khantouna lam sangin niemkhiehna lam imanaw deudeu zawta uhi. Tam banga ing pei tou jel uh leh vang Pasion lungthahna, itung ua ang kisung buo ding a, athuohtu ding khu koima dang hilou in eite mama ihi ding uhi. Tuajieh inkoipou khanglou in pan ila tha ding uhi.

I dam na ding uh leh banglam banglam a i khantouna dinga poimaw pen khu khanglaite tahsa lam mai hilou in hagau lam azong ibulphu uh ngai mama hi. Atung a igen sil poimaw thumte: Innsung, Hattuom leh Khotang hinkhuo a pan ilah uh angaita hi.

Tuajieh in “KHANDLAITE TENNA KHOVEL” chi khu theisiem ding in iki chiel uhi.

THUHUN LUI LEH THUN THA KILAMPANNA

THUHUNLUI

1. Adam ziehin miteng teng ashi uh
2. Adam nahgu apan numei hing um a
3. Tui sisan suohsah in aum
4. Khiel ngaidamna din gantaten sisan aseng ua,
5. Sinai taang ah dan thuhun pieh ahi.
6. Dan thupieh niin mihing 3000 a shi ua
7. Gamdai ah kum 40 sung pui in a um ua
8. Sabath ni in akhawl uh a
9. Sa a teptan in aum uh
10. Jordan lui ah tui a Baptisma in i um uh
11. Mana leh Vamin a vaah in i um
12. Mihingten khelna thupha akitawi ua
13. Pasian mu shina ahi
14. Suongpi apat tuidawn ding pieh ahi ua
15. Abraham in sawlboh lah ah belam amu
16. Amelmate uh namdang mite ahi uh

THUHUNTHA

1. Jesu Khrist ziehin mi tengteng suhing in i um
2. Jesu nah a sisan pot apat Thuhuntha hattuom aum
3. Tui uain suohsah in a um
4. Khiel ngaidamna din Jesun Ama sisan a seng
5. Kalvari taang ah hepina in siemtansah in i um uhi.
6. Penticost niin mihing 3000 a piengtha uhi
7. Gamdai ah ni 40 sung pui in a um hi.
8. Ginna in Jesu Khrist ah i khawl uhi.
9. Lungtang a teptansahin i um uhi.
10. Hagau siengthou in i lungtang ah Baptis in i um uh
11. Hagau siengthou thutaha vaah in i um
12. Jesu Khrist sisan i khelna thupha tawina ahi
13. Jesu Khrist ziehin Pasian melmu in i hing uhi.
14. Khrist suongpi in tui hing dawn ding ahing pie hi.
15. Gingtuten hamsatna kal ah Jesu i mu
16. I melma lienpen uh lungtang ahi

Reth Messenger Sept.-Oct. 2007 issue apat lah sawn.

PUTEEh THUMTE

Nupi khat a pasal Office kaitawp dawn ding in akawtbieng ah awlawl in ana vah koikoi hi. A inn kung ua Puteeh thum ana toukhawm amu hi. Tam Puteeh thumte a et chienga in neh ding mumal zong nei lou gilkiel tuoh mama ngen in amu a, a lungsiet mama a, a kung uah vapei in lungsiet ahidan langsah kawm in Pute aw hepifah in ka inn ah hinglut unlen hing ki suva un chin achiel hi. Pu teeh thumten pen na pa uh aum sih leh ka hing lut thei sih dinguh chin dawng uhi. Nupinu pasal Office kai a hing tuntahin azi in Puteeh thumte tanchin ana hil pai hi. A pasal in “va pei inlen” ka pa uh ahing tungta hehpifah in ka inn uah hing lut unlen hing kisuva un va chi kia in chin azi asawl hi. Nupi nun zong a pasal sawlna mang in akung uah ava pei a, ka pa uh a hing tungta hi. Hepifah in ka inn uah hing ki suvah un chin ava chiel kia hi. Puteeh thumte lah ah khat in ka thum ua hingpei khawmthei kahisih uh ana chi maizen hi. Nupi nun lamdangsaseng in akung uah Pute aw na thugen uh umzie ka thei sih uhi. Bang zieh a na thum ua hing pei khawm theilou na hi uoi? chiin a dong hi. Puteeh lah a khat in koi ahi chi na thei siem theina din ka min uh leh ka hina uh hing hil ding ka zietlang a toupen “Hausatna” (Wealth) ahi a, ka veilanga toupen “Lawchinna (Success) ahi. Keipen “Taimatna” ka hi. Khum zieha inn khat a ka thum ua lut theilou kahi uhi. Na Pasal kung ah vapei inlen koulah ah na dei penpen khat na chiel ding uh ahidan vahil in achi hi. Nupinu inn ah pei in a pasal sil umdanteng ava hil sieng kei hi. A pasal in kintah in khumbang ahileh Lawchinna pen va chiel in achi hi. Hinanleh azi ngaidan ahi khol sih a, Hausatna pen hoizaw lou ding maw? chin a dawng hi “Ngaidan kituohtou tah akisel buoi laitah un, aumpi uh nungah nu in” Taimatna” ichiel uh hoizawlou ding e i innkuon un itaima chiet ua leh hoizaw ding hi chin angaidan ana gen sam hi. A nupa un aki ngaituo vungvung ua anungahnu thugen hoisa in apasal in azi kungah ahileh “Taimatna” vachiel maive leh chi’n asawlta hi. Nupinu pen

taimatna chiel din ava kuon a Pu “Taimatna” hepifah in ka innsung uah hing hoh in chin ava chielta hi. Khumin Taimatna mai hilou in alawm nite zong dingkhe din ang kisa pai moh ua, a inn sung lam uh a zuondeh pai uhi. Nupinu lamdang sahnna adim a, bang chidan ahia sil umdan “Taimatna” mai ahi ka chiel bang zieh a lawchinna leh hausatna a hing telsawm moh uh ahei? chin lamdang asa mama hi. Taimatna in Numei “Hausatna” chiel lechin lawchinna leh Taimatna in hing zuithei louding ua, lawchinna chiel lechin hausatna leh taimatna in ang zui thei tuon sih ding ua, hinanleh kei “Taimatna” na hing chiel zieh in lawchinna leh hausatna in zong hing zui thei uhi. Taimatna pen lawchinna leh hausatna in azuizel bangin chin a dawng hi. Simtu deitah taima hetlou hinapi’n lawchin sawm in na ki nemzel amah? Taima hetlou napi’n hausat na sawm mohmoh e? Lawchinna leh hausatna neina din taimat phot angai a Pasian zahtat kawm zel in taima tahin na hinkhuo hun zang dih in. Lawchinna leh hausatna in ahing zui mai ding hi.

Tam thugiel Makedonia 13th Dec. 2015 apat lekhiat ahi.

.....

THUMPI DIA NGETNA

Katupa Abraham Tv. Thangsiendong ang tung ding May 15, 2017 chieng in Manipur University ah B.Sc. final exam peding ahia, ang lawchin theina dingin Hattuum chin leh m imal chin in ana thumpi chiet vaui. Pamin Pa, Ngamsuonpau. Numin (L) Nu Niengneivung

Ngentu: (Apu) Upa Kulthang, Singngat (ZCPS)

L E N G L I E N P E N P E N

- Upa Khaichinmang
Tongdam

Mihingte Pasian in asiem dan, ama lim leh meelpaw ding leh ama bang a lungsim siengthou ding, adam sung uh ama deidan a hinkhuo mang ding in asiem ahiban ah Kumtawn hinna tang ding in asiem ahi. Tam thu toh kisai in nidanglai a Leng lien mama tang thu i houlim ding uhi:-

Nidanglai in, Leng lien mama khat a um a, ama nuoi ah Leng neuneu nempí aum hi. Tua Lengpa'n a gamsung a ama thumang loute, ngaidam ngen lou a, kisie na nei loute damsung Suongkul ah akhum zel a, Aleng touna khu Sana a kibawl ahia, Atouna ah laiteng aki giel a, "Zahngaina Leng Lien penpen touna ahi" chi ahi. Tua Lengpa'n a Gam sung a lamkaite a hankhawm a, Milip in 'Sia' sawm lah a khat kimtah a ahing pieh ding uh ahi achia, tam anuoia bangin thupieh anei hi.

THUPIEH KHATNA: Khawchin a Lamkaite'n, Milip leh michin kung ah 'sia' hing dongkhawm unlen, kim diimdiem a na hing submit ding uh ahi. Koi tobang apenuom loute, ka gam sung ah teng thei sih va un, Ka gam a potsan ding

uh ahi. A potsan lou uh leh, Pasal zousie ka that gam ding a, akhang uh ka vattan ding hi. Ahi'n koitoh bang ka bawlkhiel ta hi Lengpa aw, lungsiet tahin hing ngaidam in, na 'sia' tuni a kipat hoita'n ka peh ta ding chia ngaidam ngen aum leh ka Leng touna min puo in, atung ah ka zangai ding a, ka gamsung ah ka teng sah ding hi achi hi.

THUPIEH NINA: Khawchin in keima toh kipawlkhawmna ding inn lam unlen, tua i kipawlkhawmna inn khu, keima na hing pieh ding uh 'sia' toh na lam thei lou ding uh ahisih a, nehgu tahgu sum a zong nalam dinguh ahisih a, michin in akiphal bangbang sum thawkhawm unlen, tuate sum leh pai a na lam ding uh ahi. Tua hilou keima

‘sia’ e....! Nehgu tahgu sum e, gamdangte sum leh pai e a na lam uh leh i kipawlkhawmna inn ah keima ka hing pei sih ding a, koitoh na kipawlkhawm ta ding uoi? Na tung ua kaha ka goi ding a, na innsung ua ka galkapte’n na nei na lamsa uh, satgop in mei toh ahal mang sieng ding uhi.

THUPIEH THUMNA: Lamkai ding na kiteel chieng un Sih leh Lang nei in vai na hawm ding uh ahisih a, keima Lengpa hing zatat in dihtah in vai nahawm ding ua, lamkai ding na kitel chieng un mi kingainiem, anei alam kei a dia it neilou, apoimaw leh anei zousie ka leeng gam a dia pesieng ngam mi na tel ding ua, kei deidan zong na hing dong ding uhi.

THUPIEH LINA: Keima Lengpa ka gam kepna ding sil na pieh ding dan uh, keima’n noute ka hing pieh bang a na hing pieh ding uh ahi. Keima’n, ka gam athon in ka hing tengsah a, mi chi tahte ka nei ka lam itlou in ka pie a, noute, akhente, building inn grant ka hing pie a, akhente, gari kengli, JCB, Gari kengnih nei ka hing pie a, ka gam jepna ding na hing

pieh chieng un, Rickshaw tawlte, nichin neh ding suite na peh kha ding ua, na silpiete uh Computer ah ka en ding a, Meithaite’n Rs. 10/- apieh lai un, Nou building, JCA, Tata ka hing piehte a Rs. 50/- Car a taite Rs. 200/- Scooter a taite Rs. 100/- bang ahi ding ahi.

Tam atung a ka thupieh zui bukim loute khu, ka gam a kipat apem ding uh ahi chi’n suoi akai a, Milip muding in lai tai asawl hi.

LENGPAN ASUOHE THUPIEH:

Lengpa’n asuoh liente leh asuoh neuta ahankhawm a, asuoh liente kung ah, nou suoh ginum ding in ka hing teel a, khochin ah va giehlut unlen, inn chin vatuon unlen, kengbaite, mittaw te, damloute, bangzat um e! panpi ngaite na hing report ding a, tuate keiman apoimaw dungzui in ka panpi ding hi. Hakhat in ni 20 nava tuon ding ua, ni 10 sung pen na khawldam ding uhi. Tua ka thupieh pelhemlou a na zui kim diimdiem ding uhi. Ka thupieh niel kalte, ka huongsung ah Meilipi ka bawl ding a, tua Meilipi sung ah ka pailut ding a, agep ding uhi. Tualeh ka suoh

neute Kiginni leh Khawlni in na khawldam dingua, ka nna nasem ding ua, nouma loh na ding punna ding nna nasep kingkeng lou ding uh ahi. Tam ka thupieh na palsan uh leh ka suoh Liente ka bawl bang in ka hing bawl ding hi chi'n thu apie hi. Tam thu thuzahna ding bil neita pou in za chietta uhen. Amen.

.....

JESU AH KILEM DIH IN

Pastor khat a Sermon ding lungluttaha a kisahkhoh laitahin a tanu kum 5 mi lel akungah ahing pei a, atanu in a suhbuoi ding azau ziehin a room ah apui a khovel pumpi Map kitah botkhie in neo nou in a botkeh hi. Atanu kungah khovel pumpi map hoitah in ana lemdih in chi'n sawl hi. Khovel map bal nensa pen bailam taha lepdih pai ding guol hilou, lepkhawm hasa mama ding ahiman in a tanun khovel map alepkhawm sunga aman a sermon kisah khohna neitheh aki lamet zieh leh a suhbuoi lou ding adeiziehin map lemdih din thu pie hi. Hinanleh minute 5 a bei zou in atanu in lemdih zouta ahidan apa ava hil mawh hi. Apa'n lamdang asa mama a, atanu kung ah "Bawi bang chidan tuhun tomnou sunga khovel pumpi lim lem zoupai na hiei? chia adoh leh atanu in "Pa khovel map a lelang pang ah Jesu limgel ana um a, Jesu limpen kalep dih leh khovel lim zong ana kilem dih mai ding ahi chi kathei ave chin a dawng hi. A tanu thugen in apa lungsim akhoi mama a, apa ahing halkhie hut a, atanu kung ah kipahtu agen hi. A sermon ding "Na khovel bawldih dingin Jesu Khrist in na hinna ah dihtah in lemkhawm phot inlen na hinna Jesu khu thupitah ah ngakhie in. Tuachi'n sil dang tengteng ahing lemdih sieng mai ding hi. Tam thute midangte kungah gensawn zel in na hinna Jesu tellou in akilemdih in apei dih sih ding hi chin Sermon ding ahing umkhe zungzung mai a hi. I Mangpa Jesu tellou in pen mimal hinkhuo, innsung, Hattuum khotaang, gam leh nam a kilemdih ngai sih himhim ding hi. Na khovel hinkhuo lemdihthu dingin Jesu na neitai? Unau

Ruth Messenger Feb. 2016 issue apat lahsawn

.....

SILSIEM ZOUSIE HUOM PASIAN THU KALSUONPINA LEH ATHU TANGKROUPINA

Text: Rome 8: 19.

– *Pro. Pastor Khupsianlal*

I. Thupatna:

Kum aza a sim peisa akhun Pasian Thu kalsuonpina/Mission leh Khantan Hoi tangkoupina nasep/Evangelization khu Pasian thugenna leh Baptisma tannate tungtawn a Hattuum kehletna nasep chi'n ana kithei hi. Tuhun tan ah mikhenkhatte'n zong tambangin ngaituo uhi. Tuabang mite khun Hagau hundamna ding thute khu angaipomaw dieh ua, khotaang ahiei tawndan silte ban ah khovel toh kisai sildang pouma khu Pasian thugen nasep in ana huomkha sih hi. Hitananleh tunai kum bangza ahei apat in tuabang ngaidan apat huopzou zaw ngaidan tha hingpieng a, tuanah mihing Hagau lam sil khellam ah mihing in akisaipi sildang zousiete zong huomsah in ngaipomaw ahing hita ahi.

II. Pasian Thu kalsuonpina leh Khantan Hoi tangkoupina:

Pasian Thu Kalsuonpina

'Mission' khu Latin ham 'Missio' (noun) apat lahkhet ahia, tualeh 'Mittere' (verb) khu Latin ham a kigiel Lai-sien-thou 'Vulgate' akhun tamveipi kigen hi. Tuakhu sapham a 'send' chi toh kibang ahi hi. Bible scholars te khun "mission" leh "sending" te khu Hebrew ham "Salah", "Apostello" leh "Pempo" te toh Greek Bible 'Septuagint' (LXX) leh Thuhun Tha te ah gendan kibang ahi uh chi uhi. Salah leh Apostello te khu Lai-sien-thou hamzah "sending"/ "kisawlkhie" china ahia, Lai-sien-thou a hamzah poimaw mama ahi hi. Tuaziehin Pasian Thu kalsuonna nasep toh kisai in Lai-sien-thou ah bulpatna um ahidan muthei in um hi.

Pasian Thu kalsuonpina khun Khantan Hoi zanailoute kung bou a vagenna ahisih a, mimal khat nasepna mai agenna zong ahisih a, Hattuum mizousie huom a kigena khu ahi hi.

Pasian Thu kalsuonna nasep khu munbiih khat mai a vasepna/vagenna ahisih a, khovel pumpi huop a gingtute umna mun lah a vatangkou pina zong khu ahi. Gingtute'n Pasian Thu kalsuonpina/Christian Mission khun Jesu Khrist thupiehte zui a kalsuonpina khu ahia, tuakhun khovel hundamna nasep leh Pasian Leenggam tundingna nasep te ahi. I Mangpa thupieh ahiziehin eite'n tam nasep poimaw semding a kal isuon ngei uh poimaw mama hi.

Khantan Hoi Phuonzahna

Evangelism/Khantan Hoi phuonzahna khu Greek thumal “Evangelio”- ‘bring’ ahiei ‘announce good news’ ahisih leh ‘proclaim/preach good news’ china ahia, ‘Evangelizomai’ khu- ‘bring good news/tidings/glad tidings’ china ahi hi. Tualeh “Evangelizomai” leh “Evangelo” (middle verb) leh “Evangelion” leh “Evangelos” (noun) te khu abawn un ‘angels’ apat lahsawn ahia tuakhun – sawlkawi, guolzaw na kipahna thupha hing tuntu, ahisih leh siltuomtuom ah lungdamna thu

hing potu china ahi. Tuaziehin evangelism khun Khantan Hoi genna leh tangkoupina genna ahi hi. Tua ahiziehin, evangelism tuppi pen khu midangte kunga Jesu khu michin Hundamtu ahidan theisahna khu ahi. Pasian Thu a kalsuonna akhun Mission leh Evangelism khu khenlou ding ahi.

III. Paul in Silsiemtha Angaituodan:

Paul ngaidan akhun mi koizong Khrist a aum chiengin siemtha in aum uh ahi. (2 Korinth 5: 17). Tamnah Paul in silsiemtha agen khun mailam a hing um panding hilou in tuhun a siltung agenna zong ahi. Paul khun silsiemtha a umna thu khu i Mangpa Jesu shina leh athawkiana toh kizopna nei ahidan gen hi. (2 Korinth 5: 15). Ama khun silsiem luite shina leh silsiemtha, Khrist masuonpi pen a neina khu muhi.

Tuaziehin, silsiemtha chi khun hindan tha, ngaituona tha, lunggeltha neiding ahidan hingthei sah hi. Tam khun mimal khat sukha nanleh silsiem zousie huom a agenna zong ahi. Paul in

Khrist a um Pasian khun vannuoi toh kilemna tha siemta ahidan zong gen hi.

M.M.Thomas khun, thuchiemna leh siemtha dinga silbawltheina a thop a um thudih tha hing um chi hi. Guolneite thuphuon khu Jesu Khrist ah hing tangtung a, mizousie leh silsiemzousie adinga Thuhun Tha siem in hing um hi. Tam Messiah khun dan leh guolneite subei dingin ahing peisih a, abukimsah dingin hingpei zaw hi (Mathiu 5:17). Dan khun mizousie siemtangsah theilou ahizieh in Pasian itna khu Jesu Khrist kipiehna Kross tungtawn ah tawnkhiel mite adingin “mimal kideikhopna leh Pasian toh kimelmatnate” subei in hing um ta hi. Tuaziehin Khantan Hoi khu silbangkim siemtha, Khrist Tanchin khu ahi. Mangpa Jesu athawkia na akhun Pasian in Jesu khu shina apat Akaithaw mai hilouin, khovel tha zong ahing tungding a, khumkhu Khrist a kisiemthana ahia, Khrist tungtawn a Mihing Tha umzie khu ahi.

Tuaziehin Khrist tungtawn a

mihing kisiemthana khun khovel ah hindan tha zahtheina hing guon in, mizousie’n Jesu Khrist in tuhun azong aseph leh abawlte theisiem dingin chiel a, Khrist toh semkhawm ding leh khovel siemtha dinga chiel ihi ta uhi. Tam khun Mangpa Jesu tungtawn a Pasian ngaidamna inga zieh ua, eite’n zong khotaang hinkhuo ah mizousie siemtha ahina ding ua panla dinga chielna imu u’khu ahi. Kross nasepna leh Jesu Khrist shina apat athawkiana khun mihing tha dinmun hingtun ahiziehin, Kross khu khatvei thu ading mai a siltung hilou in nichin a siltung thudih leh khovel a mihingte kikal a kikhenthangna dihloute siemhoi ding leh thudih a vaihawmna umthei nadinga nichin a pan ilahding uh theisah na zong ahita hi.

IV. Silsiem Tha: Pasian Thu a kalsuonna leh Khantan Hoi Tangkouna in atup

Silsiemtha umzieh khu huopzoutah a Pasian min a kalsuonna ahia, tulai in tamkhu Mission & Evangelism in zong tup/focus in nei hi. Tam anuoi

a bangin Silsiemtha in atup leh ngimte agen thei hi:

Pasian Leenggam: Pasian Leenggam/Kingdom of God khu michin a ding ahia tuanah mizousie member hiding a pantheina khu ahi. Jesu'n theisiem in tam leenggam khu michin adinga huopzoutah a Pasian silpieh ahidan phuong hi. Tam khu mihingte zotmun tunthei nading leh Pasian in mihingte Adia lemguot tangtunna zong ahi. Tuaziehin, michinin khotaang sil hiin kivaihawmnate ah dihloutah a vaihawmnate dou dinga panla dinga mawpuona khu ahi. Pasian Leenggam tunding theina ding in, silsiem zousie tunga dihtattah a vaihawmna umthei nading a michinin pan lah poimaw hi.

Silsiem dangte kepbitna/Creation keeping: Tulai mission khun khovel khantoudan leh hindan tungtawn in silsiemdangte tunga sietna tung leh hintheina hingpie silsiemdangte suhsiet a umzel khu puonatna lienpi toh ngaikhawh mama ta hi. Hundamna toh kisai in Paul khun silsiemdangte hundam ahilou

u'leh Hundamna khu abukim thei tahtah sih chi hi (Rom 8). Tuaziehin Silsiemtha ihina uh tungtawn a silsiemdangte hoitah a kepbit leh etkol khu mawpuohna poimaw tah ahi.

Kilemtah a Teenkhawmna/Shalomic Community: Silsiem Tha in atuppen khu kilemtah a Pasian Leenggam lamding khu ahi. Tamkhu mihingte mai ading hilou in silsiem chinteng ading a lemna leenggam zong ahi hi. Tam kilemna lenggam khu Isai in zong ana genta hi (Isai 11). Tualeh Rom 8: 19 akhun, “Silsiem zousie in kinem tahin Pasian tate kilatna ding angahla mama uhi.” Shalom khu kilemna, dihtatna, hinkhawmna, kituohna leh silsiemte kikal a vaihawmna dih umna khu ahi.

V. Silsiem Tha tungtawn a Mission Gamgi in Ahuop:

Tulai mission nasep khu agamkai zil a kalsuonna mai ahinawn sih a, nanleh mihing hinkhuo Pasian Leenggam in atup bang tah a umthei nailou zieh a nna vasem a vakalsuonna khu ahizaw hi. Mihing hinkhuo ah neh leh tah

sil a tahsapna leh hamsatnate
puonatna toh Pasian Thu kalsuon
pina khu ahi. Tuazieh in Silsiem
Tha tungtawna kalsuonna khun
khovel pumpi, mizousie leh
atenkhawmpi silsiemdang zousie
zong ahuom hi.

VI. Thukhumsin: Silsiem Tha toh
kisai in Mission & Evangelism
khun mihing te mai ngaisah
in aneisah a, khovel pumpi leh

silsiem chinteng huom a nasep
leh kalsuon khu atupzaw ta hi.
Tuaziehin Khristiante Mission
khun silsiemzousie tunga lemna,
vaihawmna dih leh muonngamna
umtheina dinga mawpuohna
lienpi nei ihidan phuonna khu
ahi ta ahi.

Simtute Mangpa'n guol hingzawl
hen.

APOSTOLTE THUGIN

Bangkim bawlthei Pa Pasian
Lei leh Van siempa khu ka gingta hi.
Atapa neisun Jesu Khrist
I Mangpa Jesu Khrist zong ka gingta hi.
Ama khu hagau siengthou in agaisah a
Mari in Nungah ahilai in ahing khie hi
Pontia Pilat in huoise tahin athuoh gimsaha
Singlamte ah kilbeh in aum hi
Ashi ta a, phum in aum a
Mishi kho ah ava haw a,
Ni thum niin mishi lah apat a thoukia ta hi.
Van ah aka tou kia in
Bangkim bawlthei, Pa Pasian zietlam ah atouta hi.
Khuna pat in hing kum suh kia va'n
Mishi leh mihing vaihawmsah dingin
Tuachi'n Hagau siengthou ka gingta a,
Mizousie a ding a Hattuum siengthou um zong ka gingta hi.
Mi siengthou kipawlkhawmna zong ka gingta hi.
Khel ngaidamna ka gingta a,
Tahsa thawkiana ka gingta a,
Kum tawn hinna toh Amen.

ZPWF COLUMN

March 23, 2017 to 21st april, 2017 tan a Tunnu Limbel panpina pete :

1. Nu M. Dimzaching, Central Church	Rs.	500
2. Pa P. Khaikhanpau, Zomi Colony	Rs.	1,200
3. PWF New Zoveng Anntang Kg. 100 &	Rs.	200
4. Pa H. Kapneithang & Family, Central Church	Rs.	1,400
5. Pi Thangneivah. Lailamveng	Rs.	500
6. Rev. Zamlianpau, Lailamveng	Rs.	1,000
7. Nu Chingzaniang, Zomi Colony	Rs.	3,000
8. Nu Vahkhohling, Tuibuong	Rs.	100
9. Chingngaikim, Zomi Colony	Rs.	500
10. Chingngaikim, Zomi Colony	Rs.	500
11. Nu Man, Awnchinkap, Khuo	Rs.	500
12. Nh. Ruth Niangkhanching, Tuibuong	Rs.	1,000
13. Nu Suandeiching, Lailamveng	Rs.	100
14. PWF Central Church Anntang Kg. 73 &	Rs.	1,100
15. Pa Jacob, Suankhanlian, Lailamveng	Rs.	500
16. Mrs. Flora Hatnu, UK	Rs.	63,000
17. Nh. Lamkhoman, Zomi Colony	Rs.	100
18. Pa Kamgenpau, Lailamveng	Rs.	500
19. Nu Hielzaniang, Zomi Colony	Rs.	300
20. Chinghauniang, Central Church	Rs.	100
21. Upa Jamsianmung & Family, Zomi Colony Anntang Half Bag Khat		
22. Zomi Colony Sunday School te apat Bawngsa Kg-3		
23. Nu Veineilam, Zomi Colony apat in naupang puonnah, toka ps. 26 & Khedap-11		

ZPWF 7th SESSION KHAWMPI 2017 (CENTRAL CHURCH)

Tunnu Limbel Ginna Thuchiem-19th March, 2017

Tu-le-tu a pete (April issue sutzopna)

Min, Khuo/Hattuom

Piehzat

51. Upa Chinkhanthang, Tuibuong	Rs.	50
52. Nu Chinghoiniang, PN Khovong	Rs.	100
53. Nu Nuamneilam, Zomi Colony	Rs.	100
54. Nu Haungaiching, Behiang (H)	Rs.	100
55. Pi Chinngai, Tuibuong	Rs.	20
56. Nu Chinghoikim, Tuibuong	Rs.	10
57. Gouzadim, Daijang	Rs.	50
58. Upa Suanpau, Bohlui	Rs.	100
59. Nu Ngaihching, Muollum	Rs.	100
60. Chiindeiniang, Thingkangphai	Rs.	100
61. Chinghoiniang, Daijang	Rs.	50

2017 | May | Khristian Tangkou

62. Chinzadim, T. Daijang	Rs.	20
63. Nu Mansuanniang, Central Church	Rs.	200
64. Thangkhanpieng, Central Church	Rs.	50
65. Nu Chingngaikim, Tuibuong	Rs.	100
66. Nu Vungneiching, Muollum	Rs.	100
67. Nu Nianzadim, Zomi C olony	Rs.	100
68. Nu Suanching, Zomi Colony	Rs.	50
69. Nu Chiinsuanniang, Awnchinkap khuo	Rs.	100
70. Upa Ginkhomang, LDCC, Hiangzou	Rs.	100
71. Chingnuam, Muollum	Rs.	100
72. Mangnuam, Lailamveng	Rs.	50
73. Donneilam, Aina	Rs.	50
74. Nuamneiching, Manniang khuo	Rs.	20
75. Nu Dimneiching, LDCC Hiangzou	Rs.	100
76. Nemneilam, LDCC Hiangzou	Rs.	50
77. Mansuanniang, Hiangtam (K)	Rs.	100
78. Vungdeiching, Behiangjang	Rs.	50
79. Nu Nianglamkim	Rs.	50
80. Nu Zelkhochiin, Muollum	Rs.	50
81. Nu Manngaih, New Zoveng	Rs.	50
82. Nemchiin, Zoumunnuam	Rs.	100
83. Chiinnu, Khaukual	Rs.	10
84. Nunuam, Zoumunnuam	Rs.	50
85. Upa Khupzavel, Kanan veng	Rs.	20
86. T. Ginlianmang, Zoumunnuam	Rs.	100
87. Nu Laisuanvung, Lailamveng	Rs.	100
88. Upa Khailian, Teisajang	Rs.	100
89. Upa Khamsonpau, Zoumunnuam	Rs.	50
90. Chiinkhannuam, LDCC Hiangzou	Rs.	50
91. Nu Haunu, Lailamveng	Rs.	100
92. Nu Nemzavah, Imphal	Rs.	700
93. Upa Nengkhogin, New Zoveng	Rs.	50
94. Goineikim, Sugnu	Rs.	500
95. Chiinzaniang, Kananveng	Rs.	100
96. Lhaineiching, Awnchinkap khuo	Rs.	100
97. Hoineu, Sabual	Rs.	50
98. Themngaihling, Sabual	Rs.	50
99. Nemtinling, Sabual	Rs.	20
100. Upanu Ngaineichong, Sabual	Rs.	100
101. Mannianching, Lailam Veng	Rs.	500

Aban next issue a sutzop ding....

**** Adih loute Office a suhdih thei zing ahi.**

Petu zousie Mangpa'n hing guolzawl in hing mapui zing taken!

PATRON MEMBER-TE

1. Upa Gouzamang	2. Pu Hav. Khamchinkhup	3. Pu Khamzalam	4. Pu Chinzasuan
5. Upa Liansuanpau	6. Pu Khamchinthang	7. Pu S.Dalthang	8. Upa Kapkhanthang
9. Upa Langginmang	10. Upa S. Nangkhanlal	11. Pu S. Lamkthothang	12. Upa Dr. M. Lachinkhai
13. Upa Khamchinjam	14. (L) Upa D.K.Manlun	15. Upa Suankhanmang	16. (L) Upa Khupgou
17. Upa Chinkham	18. Upa Ngulchinkham	19. (L) Rev. V.Vungzalian	20. Rev. Retd. Kamkhosoi
21. Rev. Tualzachin	22. Rev.(Rtd.) H. Nengzatun	23. Rev. Awnkhanthup	24. Rev. Dr. Hangpi Manlun
25. Pu Tuanzapau	26. (L) Rev. Ginchinjam	27. (L) Rev. Khamzasuan	28. Upa T. Lamkthohawng
29. Upa Khaichinmang	30. Rev. Chinzathang	31. Pu Khupkhanmang	32. Pu Khaidohlian
33. Hav. Khamzahang	34. Pi Vungzanuam	35. Pu T. Gouzadou	36. Upa Liensuonkap
37. Pi Zelkhochiin	38. Pi Hatkhanvung	39. (L) Pi Ngaihoiching	40. Pi Mankhannieng
41. Pu Goukhanmang	42. Pi Chingzalam	43. Pu S. Thianzakhai	44. Pi Kamkhanching
45. Pu Haukhanpau	46. Pu Tuallianmang	47. (L) Pu Dongkap	48. (L) Pi Chingkhanmang
49. Pi Donkhonian	50. Upa Henzakhup	51. (L) Pu Saichinpau	52. Pu Goumang
53. (L) Upa Khamkhanhang	54. Shie Laangkhanlal	55. Pu Khamkhanlun	56. Upa L. Tualkhanpau
57. Upa Jamsianmung	58. Upa Ginzadong	59. Pu Kaizathang	60. Pi Goizanuom
61. Pi Thangneivah	62. Pu Khamzathang	63. Pi Donchin	64. Upa Liankhanmang
65. Pu Hauchinlun	66. Pu T. S. Lal	67. Pi Goichiin	68. Pu T. Khupchinthang
69. Upa T. Kaizalam	70. Pu Paul Henkholal	71. (L) Pu Soikham	72. Rev. P.C. Manga
73. Rev. Khamchinkhai	74. Rev. Jamlianpau	75. Rev. Chinzapau	76. Rev. Retd. Kamkhosam
77. (L) Upa Chinpu	78. Pu Zamkhanthang	79. Pu Chinglen	80. Miss Chinhaunieng
81. Upa P. K. Soia	82. Pu Goukhai	83. Pi Niangkhanmang	84. Evan. Retd. G.L. Joshya
85. Pi S. Chingkhanmang	86. (L) Pu Vumchinkhup	87. Upa Khaihenthang	88. Upa T. C. Pau
89. Upa Nengchinkap	90. (L) Upa Jamkhongam	91. Upa HT Manga	92. Mrs. Vahkholhing
93. Pu Hauliankap	94. Pi Chinnu	95. (L) Upa Ngulzakhai	96. (L) Upa T. Gougin
97. Pu Ginsuanhau	98. Pu L. Langminthang	99. (L)Rev. David K.Samte	100. Upa T.S.K. Samte
101. Upa Khupsuankham	102. Pu Jamkhopao	103. Pu Thathang Taihul	104. Pu Kamkhanpau
105. Bhim Prasad	106. Rev. M. Kapsuanthang	107. Nu Chingneikim	108. Rev. Khupkhansuan
109. Pi Mannuamching	110. Rev. Kaimuanlal	111. Upa Nengkhanlian	112. Nh. Deborah Zou
113. Pu T. Kuppa	114. Rev. Mangsuanthang	115. (L) Pu Lamchinhau	116. Upa Pauchinlel
117. Kimneihoi	118. Pu Kamgenpau	119. Nh. Niangsuannuam	120. Nu Ngaikhavung
121. P. Sanjiv Zou	122. Upa M. Kaichinkham	123. Upa T. Sianchinpau	124. Upa Sianzahau
125. Pu L. Thenkhosoi	126. Pu Kamsuanhang	127. Upa Th. Kaikholam	128. Upa Lunchinthang
129. P. Tongthang Zou	130. H. Nehzamang	131. Thangsuankhup	132. Upa M. Kamzadou
133. Pu Jamkholian Munluo			

LIFE MEMBER-TE

01. (L) Upa T. Khupkhenpau	02. (L) Pu M. Ginzahau	03. Pu Selzapau
04. Pu L.C. Pautungnung	05. (L) Pi Khamkhannieng	06. Pi Ngainuom
07. Pu Chinsuanthang	08. Pu Shanti Kumar	09. Pu Kamkhohau
10. (L) Pu Khamkhohau	11. Upa Khamzathang	12. Upa Chinkhanthang
13. Pu Tongzathang	14. Pi Chiinneilam	15. Upa Kulthang
16. H/Sm. Upa Kaichinpau	17. Pi Niangzalam	



Fundelivered

Please return to:

The Editor

KHRISTIAN TANGKOU

ZPCS Office, Zomi Colony

Churachandpur - 795 128

P.O. Box - 48, Manipur, India

e-mail: zpcs@rediffmail.com / zousynod05@gmail.com

Synod Office Telephone No. (03874) 235105

Website: zousynod.org

To,

Edited and Published by the Editor on behalf of the Zou Presbyterian Church Synod